

Diasabra awor por topa Francisco Vrolijk cu su buki di "Historia di Futbol di Aruba"

ORANJESTAD (AAN): E prome parti di e buki Historia di Futbol di Aruba ta contene e historia di nos futbol for di su cuminsamento na aña 1909 te cu 1959. E prome añanan tabata dificil, sinembargo cu establecimiento di e industria petrolero meimei di añanan binti futbol tambe a haya un "boost" y bira e deporte "rey" riba nos isla.

Den e buki aki lo bo lesa di e desaroyo aki y lo bo haya relato y resultado di weganan cu nos equiponan of seleccionnan local a hunga na cas y pafu di Aruba contra equipo of seleccionnan stranhero.

Lo bo haya sa number di tur e clubnan cu a titular campeon di nos isla despues cu Aruba Voetbal Bond a worde funda. Tambe tin un gran cantidad di resultado, hasta di weganan amistoso, simplemente pa bo haya un idea di cuanto club di futbol tabata tin riba nos isla y con nan tabata yama.

Y pa bo lesa e buki aki cu smaak ainda nos a pone un cantidad grandi di potret.

Sr. Francisco Vrolijk lo ta presente Diasabra awor dia 7 di Juli na Van Dorp Dakota pa introduci y firma su buki pa esnan interesa. Horario ta di 11.00 a.m pa 1.00 p.m.

Historia di FUTBOL DI ARUBA 1909 - 1959 | E prome parti



Francisco J. Vrolijk